

ԱՐՁԱՆԱԳՐՈՒԹՅՈՒՆ ԹԻՎ 2

2019թ. հունվարի 17-ին տեղի ունեցավ ՀՀ Կոտայքի մարզի Գեղաշենի Ռազմիկ Ստեփանյանի անվան միջնակարգ դպրոցի VII^Բ դասարանի ծնողական ժողովը: Ժողովին ներկա էին ծնողների մեծ մասը: Ժողովը վարում էր դասղեկ Արուսյակ Դավթյանը:

ՕՐԱԿԱՐԳՈՒՄ

- 1.Կիսամյակային ամփոփիչ գնահատականների ամփոփում:
- 2.Դասարանի աշակերտների զբաղվածությունը դպրոցից դուրս:
- 3.Ընթացիկ հարցեր:

1.ԼՍԵՑԻՆ.Կիսամյակային ամփոփիչ գնահատականների ամփոփման հարցը:

Դասղեկ Ար.Դավթյանը նշեց, որ աշակերտները առաջադիմության հարցում թերացել են: Նախորդ տարվա 3 գերազանցիկների փոխարեն այս տարի գերազանցիկներ չկան:

Դասղեկը ներկայացրեց նաև անցած ծնողական ժողովներից հետո աշակերտների ուսման առաջադիմության, հաճախումների 5 ամիսների պատկերը:

2.Լսեցին. - «Դասարանի աշակերտների զբաղվածությունը դպրոցից դուրս» հարցը:

Ելույթ ունեցան դասղեկը և ծնողական խորհրդի նախագահը: Երկուսն էլ հավաստեցին ,որ սովորողների պարտադիր կրթության իրականացման գործընթացում մեծ է ծնողների դերը երեխայի ուսման մեջ աջակցելու և դպրոցից դուրս նրա օրվա մնացած ժամերի զբաղվածությունը կազմակերպելու հարցում, որովհետև նրանց ամենօրյա անմիջական հսկողությունից և ծնողական պարտքի զգացումից է կախված աշակերտի ուսման նկատմամբ պատասխանատվությունը, օրվա ռեժիմի ճիշտ կարգավորելը: Պետք է փորձեն միասնական պահանջներ ձևավորել երեխայի դաստիարակության ,նրա օրվա ընթացքում կատարած բոլոր գործողությունների համար: Այս տարիքի երեխաների հետ տարվող աշխատանքում ավելի շատ հայրերը պետք է հետաքրքրվեն ու զբաղվեն:

Բացի դասապատրաստումից պետք է հետևել, որ երեխան կատարի լրացուցիչ հանձնարարություններ, զբաղվի հանրօգուտ աշխատանքով, զիրք կարդա և ժամանակ գտնի օգնելու ծնողին տնային գործերում:

Դասղեկը հորդորեց ծնողներին ճիշտ կազմակերպել երեխաների և՛ ազատ ժամանակի տնօրինումը, և՛ դասապատրաստման գործը. չէ՛ որ այդ ամբողջ ժամանակահատվածում նրանք գտնվում են ծնողների կողքին և նրանց հսկողության տակ:

Կարևոր է նաև երեխաների հաճախակի այցելությունը մշակութային օջախներ՝ կրթական մակարդակը հարստացնելու և նոր մարդ ձևավորելու ընթացքը ճիշտ հիմքերի վրա դնելու համար:

3. Լսեցին ընթացիկ հարցեր:

Ելույթ ունեցավ դասղեկ Ար. Դավթյանը՝ նշելով, որ առաջադիմությունը բարձրացնելու նպատակով շատ կարևոր է լուծել կարգապահական խնդիրները: Նա լսեց նաև ծնողների կարծիքները և առաջարկությունները:

Որոշեցին .

ա) Հետևողական աշխատանքի միջոցով բարձրացնել առաջադիմությունը:

բ) Ուժեղացնել դասղեկի և ծնողների միասնական հսկողությունը երեխաների դասերից դուրս գրադավածության և դասապատրաստվելու հարցում:

Ժողովի նախագահ՝ Մանուկ /Աստղիկ Հարությունյան/

Քարտուղար՝ Սևակ /Լուսինե Աբելյան/